

孫徵君日譜錄存

孫徵君日譜錄存卷之三十一

康熙八年己酉八十六歲

正月

後學新鄉縣衛榮光

初十日

後學新鄉縣衛榮光

復王夢翹 兩札出自肝膈非力學之久固不知

此言亦不能為此言雖過於事上猶易而

於意中實難還伯玉欲其過而未能只此

千聖要訣與夫子假年學易可以無大過

相契合足下年未四十懷希聖之思立見

舉從前鬱蹙躁急一切浮情客氣當自消

謂學問不必專言

但於志仁處

理會通安從

生如云意中之過未能卒寡畢竟志未真切

日宜三復附去會約一冊來貺登謝

十六日

答周四明問六則

問

老而安死然後不

夢周公此旨未達曰此言聖人化境也知

是也此中不容有一念之存不安死是猶有再生

之念在夢周公是猶有用世之念在心與天便隔

一層故必心與天化老而安死然後不夢周公夫

于一生應過多少學力纔全全的天命流行了纔

是由仁義行非行仁義三句話乃一件事 問仲  
尼絕四自始學至成德兩端之教見此旨未幾  
曰學與教原不分兩事自始至終但有生熟而氣  
更端始學在母意必固我上用功母者禁止之辭  
久而至於化則絕四矣故曰絕兩端之教 意必  
固我四端是大有知覺曉力的人然卻最害事非  
聖人不能絕也不能絕如何得此心空空而竭兩  
端之教即字妙會即的發得使他天機自動 問  
敬者主一無間人謂一則是未發之中否曰眼前  
事物無一非性命流行只爲說的太精微便

令人無處把捉不論發與未發惟存一敬之心  
則敬在面中卽在矣 問中有主則言謂喜怒哀  
樂未發之前萬感未形之際刻刻常存敬長至於  
操存純熟乃可言實然歟曰聖賢千言萬語无非  
教人求中有主靜喜怒哀樂未發何以見中離已  
發何以見中有主先儒有說中有主則實久有說  
中有主則虛總其要中有主故實是真實虛是真  
虛虛實亦不作歧觀呂新吾謂心是臨深履薄之  
心正是常存敬畏耳 問周子主靜出無欲也然  
無以必出敬也然歟曰此聖學嫡派也能主敬然

後能欲去理全面至於靜有欲何以爲敬不靜只  
因有欲 問正公危舟不怖曰心存誠敬一父老  
曰不如無心二者優劣何如曰心存誠敬所謂中  
有主則實故外邪不能乘虛而入也父老所謂無  
心則老而安死時起由心存誠敬然後能主於安  
死可分安勉不必分優劣若以無心爲優則至於  
陵躓狂妄 先儒有言從古聖人告聖人以合  
有持循有攸援神化之事不可輕以告人危舟之  
夫與圯橋老人偶出高論正見造詣之慨極止名  
世與真儒原有別緣也

十二日

答王敬伯 前在貴州承顏接辭固知非流俗中人  
也後於子石得悉愼篤實更是載道之器夫道  
在眼前無之非是人人俱足真是不可須臾離也  
然索人之爲道而遠人則不可以爲道孔聖人四  
字教條垂訓萬世曰子臣弟友無人不在于臣弟  
友之中無人能滿子臣弟友之分故夫子自歎其  
未能曰躬行君子則吾未之有得躬之不闕而徒  
事於口耳文辭曲士耳末技耳豈足語於君子之  
道哉來札云日用人倫問求無愧於心此孔孟底

本也僕同來與諸同人所言雖人各問答其大意  
總在躬上取齊可互觀也附會約一州

十三日

坡上伯崇天章辭歸予語之曰二子可謂沉潛而篤  
於學者矣然沉潛之人發揚意少未免因循今日  
如是明年如是勢必至失其故步如無價寶珠埋  
沒泥塗與淵中初遇之久且忘之即有從旁指示  
者且不敢認爲己物良可嘆也須奮起精神日有  
知月無忘方有深造自得之趣試思孔子一生學  
習其所云如不及而猶恐失者是何物耶我輩果



看的如此真切自然歇手不得二子勉之

十五日

孔子贊 七十從心老而安死不夢周公一念不起  
人也而天親亦不已春秋遠民不求榮仕天子北  
面普天同祀生民以來未有賢於堯舜遠矣

十六日

鹿伯順贊 公爲諸生處女守身公舉孝廉俠士爲  
鄰自入官後到處認真修明職掌清白絕塵不計  
得失不顧喜與天子宜習宰相怒瞋徐理所請不  
薦其神戎馬滯書學習益純江村之席姚江之濱

百有餘歲道域同臻以子靜爲知己作元晦之忠  
臣嘗自命爲吾黨之狂簡豈甘心於君子而未仁  
力能開闢學耻固循彼腐去僞溫故知新予四十  
年所心服而敬事以一身而兼直諫多聞之三益  
者實惟公一人

十七日

顏子贊 學庸語孟子曰子之文章而自慙於後  
獨顏氏子既鮮發舒發論語義不達如顏子無若  
虛何以曰萬世教澤無窮者顏子豈又何以曰顏  
淵死而孔子之道未盡傳其證言德之無窮真無

窮也夫子之道如日經天即無顏會思孟豈遂能  
淤抑又思之未盡傳實未盡傳也夫子之道與天  
同運再添幾箇顏會思孟仍覺其疎於吾言無所  
不悅惟我與爾一體自如回之言曰子在回何敢  
死子之言曰淵死天實喪予夫子嘗自謂師之好  
學又嘗稱顏氏子好學一場大事孔顏相與以有  
成其所好古敏求如不及而猶恐失與有違無止  
語之不情不遷不或者攜手同車一不違仁於終  
食一不違仁於三月一從心不踰矩一從欲而末  
由雖日一問之未達盡天不假之以易語

十八日

曾子贊 忠恕盡道弘毅當仁貴先審乎斯遠刻述  
之際敬益純於啓手啓足之辰以濯以暴得歸之  
神若無若虛信友之真一魯一愚質亦似有唯有  
喟自爲鄰國勿之請事三省之守身這場大事尼  
山首門前無所因于與氏私淑於百七十年之後  
子思子雖嫡孫尙未得於躬親一時共學百代明  
經實惟我復聖宗聖之二人

十九日

子思子贊 中庸之書大易之微一誠爲至高聖同

歸仲尼統天地萬物之全于思闡天人性命之幾  
語大小而莫載莫破察上下而魚躍爲飛既揚先  
聖之輝又傳後賢之衣有是祖有是孫有是師有  
是弟一燈相續萬古同輝至誠至聖總仲尼一身  
之發現而天之生物不測鬼神之神不可掩亦皆  
仲尼一身之發揮此道甚費此理最隱述聖爲能  
窺其秘而洩其機

二十日

孟子贊 顏曾於孔子一步一隨孟子學孔子乃合  
乃離離合而與之相究歷學其時時之所在與世

推而往止久遠原無成案辭受取予豈可預期義  
利之辨如明指掌王霸之分皎若列眉欲開欲閉  
欲蒞欲撫總屬任已之私好食好色好男好樂而  
爲致王之資且氣夜氣苟八未之有發集義翼義  
聖學莫之或欺孔子之道人謂得孟子而大光陸  
子之學亦自謂讀孟子而有得於茲論語孝弟爲  
仁之本故孟子當年對諸侯王開口便以仁義爲  
辭七篇之中又每於孝弟而寄思仁義禮智樂之  
實只一孝弟盡之守先王之道以孝弟守之待後  
之學者以孝弟待之此是願學真血脈千載而下

孔孟並稱意者其在於斯

二十一日

十哲兩廡詩 十哲諸賢暨兩廡總從敦化見川流  
孔庭一席稱天爵若箇侯王敢匹休 有若何爲  
居廡下濂溪明道已升堂姚江猛力留孤柱抑老  
非尼卻足揚

二十二日

六子憶 文靖元時第一人甯陵恰與洛陽鄰起東  
微昧皆同調更有江村好認真 客問何爲憶六  
子也予曰文靖鄉之前輩私淑久江村吾友也四

子者各有集予讀之語多同不知彼先得我心之  
同耶我先得彼心之同耶同者自不能強爲之異  
故並憶之

一十三日

裕卿配京張仲兄弟暨孚伯慳心又預同日來禮嗣  
後來每同車恂恂然知爲孝友士予語之曰學何  
爲也哉學古人之爲孝子悌弟者而已矣堯舜唐  
虞之孝子也孔子春秋之孝子也孟子孝經不  
陳乃所以顯學孔子故七篇之中陳王道則以孝  
弟而爲王道明聖學則以孝弟而爲聖學無一句



話一樁事離了孝命尹吉甫作周宣中興歸而飲  
御乃在張仲孝友今之張仲非昔之張仲也而孝  
友則一也愷心之求信信此孝弟而已矣又預之  
必爲爲此孝弟而已矣羅近溪曰孝弟二字爲天  
下後世一切有志之士安魂定魄一切拂經之人  
起死回生肯哉斯言日宜三復

二十四日

有所思遂爾朋從書此志警 一塵拂去一塵生沒  
羨古人無事行功力未深難強合天空雲淨月常  
明

二十七日

問作者七人曰指晨門荷蓑等無疑晨門知其不可而爲一語雖諷語然卻把夫子一生心事盡說出來賁莫已知也斯已而已矣如有知己亦不是於此心於世楚狂講了他的道理夫子下欲與之言又別有一種道理沮溺謂天下無道誰以易之公西赤政以天下無道我當與易乾坤不毀全信吾君之義丈人只曉得潔身所以爲隱者孔子當吾原其有深相知者故曰其我知也夫黨人大孔子而所指在商學便失之矣七人者俱非常人夫子亦教

重他只是他畢講無道則隱一語未嘗失孔子之  
旨卻不得孔子之大讀者莫看你是輕薄他

二十九日

寄耿子亮 學人自立甚難必須借助於良友和州  
白不乏大夫之賢士之仁第在我輩審其所以專  
之友之者我之身果賢耶仁耶彼仁賢自不忍棄  
我也取人以身從古記之夫子偷墮路不遠多及  
公車時早來兩月爲慰

二月

初一日

易爲道學之源不知易則不知天地之消息而老  
、  
貌焉一物耳盈天地之間只是陰陽兩端之至  
間一消一息有許多變化之理而萬物之近遠  
身故聖人一一以身印之六十四卦之雜具爲天  
地萬物之理總在一部易書中矣

序卦傳 劉念臺云有天地然後萬物生焉此一部  
易書綱領三才之義著矣盈天地之間至微之物  
也此段見人物初生氣象物種不可不著至此者  
比也此段畧見聖人處閑居而各盡其忠有所  
畜至受之以履此段初將入人事上以然後安至

受之以否此段由人事轉出氣數是宇宙大升降  
之會自乾坤至此四十卦矣自不可終三三終者  
事也此段自否還重開中更詳釋變治亂兩頭原  
而且歸衆歸有事天下復大變矣有事而後可大  
至者飾也此段又經有事之後重開治衆至大  
平文物之盛飾然後亨至受之以復自泰否而後  
又閱十卦矣至此仍言變之復復之運復則不妄  
至受之以大過此段又自世道轉入人心以著存  
體達用之機物不可終過至謂者麗也又自人心  
轉入誠明一路爲治過之本天地所以長無事也

上經三十卦乾坤立天地之體坎離效天地之用  
中間妙是四陽卦相錯而成合之見先天之易氣  
化爲主而人事應之故治日書多亂日書少有天  
也然後有萬物至禮義有相錯就乾坤推到底男  
成女爲夫婦之道以見其甚大如此夫婦之道至  
恒者久也成恒反對上文首言夫婦之道而至此  
以久是合之物不可久居其所至夷者傷也成恒  
之後便繼以避見世道不好消息雖壯亦不可恃  
也而終歸於夷也傷於外者至受之以解此長終  
夷之後復自合而乖由難而解見人事不常之故

解者緩也至受之以益下經闕十卦而受損蓋其  
變從泰否來一是闕氣化盛衰之始一是闕人事  
盛衰之始故雜卦曰損益盛衰之始也益而不已  
至受之以井此段從益之後得決因得遇得無得  
升仍得困以下見人事消息進退之說升進不可  
不韋至受之以鼎此段又推治逆盛衰之會至器  
者莫若天子至民者止也又推及主德以扼盛衰  
之機物不可以終止至歸妹自損益而後又闕十  
卦至此仍序夫婦之道於父子之後而得盛衰又  
會得其所歸者至受之以旅又推之世道臨盛衰

之大會旅無所容至小過又轉入人事上見得失  
憂虞不常之故有過物者至未濟終焉爲世道歷  
衰之終會下經三十四卦咸恒立夫婦之大義既  
未濟效生成之大功其間如是因陰卦相錯而滅  
合之見後天之易人事爲主而化氣應之故陽氣  
常多吉氣常少 或問孔子所至未必盡是帝王  
之意曰殷周易已不同於是商周延孔子而再爲  
更置亦未必盡同氣運人事盛衰消息大豈有一  
定哉故曰孔子聖之時者也

初六日



復湯孔伯 別後時切念之念僕四十年孤方獨承  
之擔一旦得其人焉付之此身輕快何言然僕身  
輕了一分未免爲知己重了一分也前付劉心周  
一字未得報亦嘆有字云作客未回王吉來廻環  
手札若觀芝眉細觀起居言云小人侍左右常經  
年在家在外絕不欲管閒事喜讀書族人少而安  
分門下人不致生事家固不饒日用亦常往祠  
堂中瞻禮老夫聞此言笑謂楊子休致 諸兄曰  
何物王吉乃能爲吾孔伯爲生面耶於小人之口  
得良友之貽只此便見任重道遠實際處邇來遂

近同人浸浸乎有憤興之意且有未及志學之年而便欲立志者劉念臺之言曰三十年胡亂走而今始知道不遠人念臺集中多與論至周子真得生之仲尼乎陽明見力直追孟子自有天地以來前有五子後有五子斯道可爲不孤宗傳一編妄意以濂溪爲孔子之開知以姚江爲濂溪之開知不謂念臺先得我心之同然耳近讀楊處城集背真實做工夫人不可少也僕今年八十有六矣於此一件事方稍覺得與吾身原自親切始知孔聖人一生好古敏求如不及然恐失者殆不啻飢而

食燭而飲即欲歌手不能思此段意味難以筆述  
之於人二三所與言者又不待時常聚首每一念  
至竟欲令博兒與保汝炭一過過而曹曹人  
謂友朋之益如三炭相燃其中焰生蓋物聚而氣  
勝也分而置之不獨無焰且將不燃矣保汝圖  
辭館意固有在此時正好料理出門不謂兩人者  
各以父母風燭兒女婚事不能出戶顧莫之從是  
經有事太康屬之往贈此君有志男子也可惡此  
中情事耳餘懷博兒計之

初八日

語諸子曰這件事聖賢千言萬語賢多少苦心喚醒  
迷之人只是不醒以爲充不的餽解不的渴絕不  
照管自有資而自失之知求竊大而不知求心知  
養桐梓而不知養身真可哀也已我輩果能知的  
聖賢憫天下萬世之苦心當自有愧汗而食不下  
咽者子曰吾與回言終日不違如愚及日語之不  
情又曰吾見其進未見其止此正與發憤忘老不  
及猶恐失同一功課千載下不及見孔顏孔顏之  
心至今宛宛在也見此心即見孔顏矣庶江村嘗  
云爲甚不情顏子境界情不得了自己性命得去

子發覺何處得以自匿何時得以自己批動消息  
欲罷不能知孔子其天知顏者其孔

十三日

復趙寬夫 吾丈自前番病後覺得胸中絕無粘滯  
此便是從苦境中磨鍊經此一番長進其識趣自  
是不同生薑樹上長常亦由你說學問之事只是  
要不自得自得則居安資深而左右逢源纔是集  
義不能自得纔無破綻終是義襲前所云到底話  
爲寬夫大有識力人徹底清徹不令有一事一念  
之疚無務求一箇天晴字泰此老夫所深望於良

友者此也五倫攸叙慶在大和窮達非妖一介獨  
盡自是確論然詩書所稱一人有慶萬邦惟慶等  
語畢竟纒絮昌順適一邊說孔之殺身成仁蓋之  
舍生取義顏之不幸短命於慶之理無妨畢竟不  
可爲慶之事耳所欲所惡所樂俱是性命之理所  
謂本體皆順而工夫皆逆學問全在道上得力迺  
來正與同人着力講習此段

十四日

役錢升階 道也者不可須臾離也而無一物一事  
一時一念而非道也真如日日飲不厭飲日日食

不厭食人不知只此是道故曰莫不飲食鮮能知  
味劉念臺曰三十年胡亂走而今始知道不遠人  
盡恍然有得於飲食之味也耳所聞目所見無處  
非性命之流行則無處非悅心之禮義此之謂知  
德此之謂聞道孔子忘年忘食顏之有進無止皆  
有得於其味故不容自己吾丈既知於日用飲食  
中靜養著力之久其味自出此段事原不借力量  
朋友第無朋友則作較柔之候回想從前非真友  
提攜則墜落也久矣老夫今日於於同人者大  
家鼓舞相與有成昔人二炭相燃其中焰生分而

置之不獨無焰且將不燃矣

十五日

讀洪範雨暘燠寒風與貌言視聽思相爲流通讀易  
乾爲首坤爲腹震爲足巽爲股坎爲耳離爲目艮  
爲手兌爲口是合八卦而始成其身帝載不可見  
所可見者八卦之效靈心靈不可見所可見者衆  
體之用事堯則天文德之純與於穆同一不已孔  
子曰知我其天則人與天原分之而無可分亦合  
之而不符合者也若以爲漠不相關者豈乾與易  
故作欺人語哉周子之言曰士希賢賢希聖聖希



天我輩但立必爲聖人之志則日用之間有大則焉將見五行之運八卦之德不在天近取諸身而足矣邵子曰以一物之物爲萬物之物者人也以一之人爲萬人之人者聖人也人而聖人則人也而天矣三無道人渡河余舉此言相質三無道人曰然請錄以告夫同志

十六日

得馬習仲書 訛言初聞擬與同人爲位構斯力止之曰未有的據不宜張皇料習仲必不至是手字來構斯適在坐曰習仲遭此一番大病學問當進

益一番矣來人倚馬索回音不次多作報聊附致  
字令習仲見老夫面目也別論學脈談話二枚具  
聞我輩生平非數語所能了當也須俟面商

十七日

復梁人書

別我以道久矣心切念之題語庶幾集

剋稟不忍釋手此是八字講以實做工夫者  
當補入家傳耳每讀其錄見我以道手摩挲讀一  
句一圖俱非泛泛聞此見此心之不放周中而此  
一部集其受益自是不淺老夫入十六歲及成信  
於往年獨心思尚未至於提離觸念處之言曰三

十年胡亂走而今始知道不遠人鄉楊先生其  
宗旨正與我輩相符恨不即握手一談言之振  
振之將來手字匆匆草復不盡欲語

十八日

頃以讀齊家譜序 國有祿家有譜由來志之要非  
徒點綴文明飾網羅已也蓋以后王君公情行於  
上與仁義讓本一家以垂萬家大夫鄉士爲行於  
下思孝思弟舍其所以則一家斷之以昭其辨合  
之以洽其情分而不散久而不渙誠親睦之隆規  
適治之大道也然國牒自遵成憲循舊章未有或

庶者訓家。暗除一二世。德者最行。若家無德。德  
棄之。故或以家世謝。而昆裔不。豈可以白屋子名。  
未。形疑爲僭。而不敢修。視爲不。相。而不必修。又  
籍記不備。父老不傳。族黨之。終。與。祖。父之名。人  
失。欲修而不能修。相率。擯。擯。遂。以。本。族。隔。秩序。  
顛。墮。不識。面。不識。名。付之路。人。付之。秦。楚。者。此。比。  
也。不知有此身。則有身。所自生。與。身。所同氣。一。體。  
之人。一。傳。而。派。衍。再。傳。而。流。分。不。急。修。舉。前。人。今。  
日。待。之。異。日。愈。傳。愈。遠。派。何。由。尋。逝。乎。故。舊。家。之。  
世。次。綿。延。我。不。必。以。關。閭。嫌。也。舊。家。之。勲。庸。赫。奕。

我不知其素歡也舊家之孫子雖遠必以  
單弱屈也各記其行事姓名親輒降殺元氣存於  
一家雍和將進而國在天下矣蓋人生百年所  
勤懇焦勞者咸身外事惟此爲不容緩圖者自己  
已後吾鄉輟連兵少予每於親知語次多及修譜  
事信者俯信然接踵而行者尙未槩見今耿公權  
與極纂成其家譜可謂知所重矣憶居百樓六年  
曾取氏五世從子遊者數人從望見遊者數人  
孫永興娶於其族極爲吾家武城守之亦好與  
孫爲朱陳好故於其譜之成也樂爲一言

二十一日

威如讀易余語之曰廣八卦之象廣止此乎威如曰  
舉此以例其餘耳萬物皆八卦所生也于口于可  
與言易矣書不盡言言不盡意不得其言意猶一  
句泥一句經聖人拈出者便信爲理之所有未經  
聖人拈出者便以爲理之所無一句通不去矣于  
解此可與言學矣

二十五日

第五孫女出嫁於毛氏

三月

言  
卷三十一  
初一日

或問揲蓍之義曰大易本太言之已詳曰受命如緇  
可與酢酢神以知來知以藏往等語此亦惟中孚  
無妄之人可與言此若非其人恐神亦厭其瀆而  
不告矣列念臺曰卜筮之法相沿舊矣至其闢一  
切配合造化處蓋亦偶會及此曰借以尊聖人之  
教使人不敢褻用耳請聖人書要得其活潑之意  
夫子曰要盟神必不聽豈神向未于作此語耶夫  
子一神也用易之人能體是易則聖人即着我六  
爻矣凡吉凶之幾兆端已發將至而未至者曰來

吉凶之理見在於此一定而可知者曰往知來者  
先知也藏往者了然蘊蓄於胸中也

初五日

保汝問知來無可疑藏往何也曰天地間凡事物理  
數一往一來盡之矣來者不知由往者未得了然  
蘊蓄於胸中也氣運之盛衰興廢人事之得失休  
咎在事路然來者可鑒天子曰百世可知正所以  
驗往也藏往知來非二事用神而不用著用智而  
不用卦无卜筮而知吉凶猶神武自足以服人不  
假於殺伐之威此聖人之心易乃作易之本



初九日

奏見攝簿孫親迎於成安

湯孔伯問朱子謂程傳言理甚精而象數未備來問  
塘先生象學二十九年其注易或以卦情或以卦  
形或以卦體或以中爻或以爻變或以占中或以  
錯綜與孔子言錯綜其數非其中爻不備序卦雜  
卦之相聯相配似無不合不知果皆自然之理與  
抑未免有牽強之說與瞿塘之學或可與程家並  
行而不悖與曰易之爲書詳變象占四者而已河  
出圖洛出書不自然之文章聖人則之以立其辭


天地變化有自然之變聖人效之以立其變天聖  
象見吉凶有自然之象聖人象之以立其象天生  
神物有自然之占聖人則之以立其占皆自然而  
然豈聖人勉強自作哉程朱注易大殺已具謂易  
之精蘊程朱說盡後儒不必再言則乾坤之變也  
久矣程朱言程朱之言瞿塘言瞿塘之言層層相  
生各具一體皆所科大易之功人也平常謂易是  
本書不知易卻是箇人謂易是藝文周孔四大學  
人不知吾心中亦各具有一部易在學易者不  
必向藝文周孔問易第問之自心而已

初十日

易不可爲典要此語理會的明白方可與言易如聖人立象以盡意設卦以盡情僞繫辭焉以盡其言而末又云神而明之存乎其人默而成之不言而信存乎德行何也蓋立象盡意者聖人作易之意得意忘象者聖人用易之妙也指各有在豈容執論形上形下千古論道要語也上下總不離形道器亦非有二前五謂字謂者名也後六存字存者在也上文言化而裁之名之曰變下文言化而裁之在乎其變意各不同名者反指天下之道理

在者專主大易之卦爻

十九日

復崔玉培 言別三月時入夢思不謂述有慈憐之  
變驚悼何言竊思之天下事變無窮古人未有不  
身經者常變順逆無無道理之時細審倫理中一  
件事是色便可頂立於天地之間矣子曰孝莫聞  
于孺人無聞於父母是常之言人子之所最不幸  
者繼母而聞于父母繼母而得為大賢親友以非  
而處繼母之賢又且 以繼母之賢而益成子之  
孝此便是孔門中一道真封語夫何憾  正以

嫁女娶婦營懷四月初當遣博兒往候匆匆不多  
及幸自愛古人不敢執杖見父更當爲太公自愛

二十三日

答湯孔伯 趙錦帆久相與知其爲詩人也昨過兼

山堂論學大旨正與我輩合其論易也謂程朱之

說來不得謂孟子之道得陽明而大光且有明

人向學之意魏環溪十年聲氣邇以書來其言曰

某不自揣有日知嘉言錄一書成而未梓偶言錄

一書特而未成皆深堅夫儒而雜禪空言一而無實

用著以自警聖聖數百言皆著痛癢此君人多種

之道又可悉其人否前字從日語中錄之以付  
臣忽阻雨不能行念同人良會之艱有便鴻故不  
敢輕錯過然中之所欲言者原非筆舌能盡也

四月

初四日

節孝婦崔氏 入取節錄

陳留縣崔氏黃垌村人魏一魁妻年二十而婦無嗣  
時在天啟丙寅也勤井臼事翁姑以孝聞翁姑沒  
氏三年負上爲築一塚巍然并築其翁之父母塚  
亦如之魏輩寒之族既無夫黨又失歸甯有田十

餘畝紡績以易鹽米歷民已計荒午未兵燹桑田  
滄海終不能奪其志門邑仰止節孝具呈本縣已  
申文旌表矣氏年已七十數良足嘉段玉伯孝廉  
親過其廬歸而爲予言因錄其槩

初五日

贈程蒿菴

蒿菴子鳳陽人以寫神擅名王夢龍太

史稱爲顧愷之後一人也兒輩與及門二三子  
至草堂欲爲席餽存此老面日子曰古來名人  
傳至今日者傳其人也非傳其形也人不足存形  
於何有蒿菴曰天地間無一物是有無一物非有

子聞之曰程君非繪士乃學人也無一物是有有  
仍歸無也無一物非有無仍生有也知此則凡虛  
實動靜內外始終一切盈虧消長之理總不外是  
蒿菴其學人乎繪事其藝餘耳易曰象者像也易  
尙象舍象不可以爲易而又曰像也則又無進象  
之可執矣故劉念臺曰象卽所謂形而下者也像  
卽所謂形而上者也蒿菴于意在象先故落筆自  
入微妙無庸煩上三毫也湖行書以爲贈

初七日

八十六歲像自贊 問爾爲誰曰歲寒氏歲既云寒



爾何爲耳曰幼讀書妄意青紫長知立身頗愛廉恥雖困公車屢蒙薦起骨脆胆薄不慕榮仕衣屨文綈食甘糠粃隱不在山亦不在水隱於舉人七十年矣逸膝多男及門有士老而學易欲探厥旨聊以卒歲如斯而已

初八日

復魏環極 僕初知先生於大隱繼而從申臯盟以中柏鄉公集中似其緊邇郝雪海王夢龍趙錫嘯諸君過草堂俱稱當代學人任道之勇執德之固不復有歧路轉念者惟蔚州公一人而已馬玉筍

每有字來亦詳言之夫諸君之推重先生者未必  
盡深於學問之人然莫不以先生爲宗則先生之  
品行服人由來久矣某以衰病野人雖切稽慕自  
不敢輕通姓名於左右去歲襲庄以手字見示如  
知先生之嚮野人亦不啻野人之嚮先生也故不  
忍自外謬附一言爲文母太君致祝乃蒙虛懷下  
質娓娓數百言真問不能問寡之盛心也迺瑣大  
札字字淋漓千里之外不獨見其面已見其心矣  
所論訂正三種僭爲一評聊以見意先生不悉以  
一字欺我某何敢有一字欺先生哉竊思真儒名

世代不乏人遠不具論宋元之際道在許子當年  
與靜修同徵過客城尙進止靜修曰公不曰則道  
不行某亦出則道不尊二子固名有所處也清明  
之際道久矣有所屬矣先生與栢鄉公真道此事  
不任還教誰任知兩先生斷不肯輕讓之他人耳  
某今年八十有六矣幼蒙良友提攜稍知自愛全  
辜矣叨兩先生之知更出意外舊日濟上之書先  
生定聞之一息尙存敢不自勉以辱先生之知過  
乎晤而無期勸言直率先生自諒之先生撫諭太  
過

十一日

錯綜說 錯綜之說暢於來非自來創言之也孔子  
固言之矣曰錯綜其數亦非孔子創言之也伏羲  
圓圖一左一右之形也雖未名錯而錯義已備文  
王序卦一上一下之說也雖未名綜而綜義已備  
孔子目擊之而道存焉故曰錯綜其數然亦未明  
言之也至矣鮮而始暢言之綜有四正錯有四隅  
錯有四正綜有四隅綜有以正綜隅有以隅綜正  
論象有卦情之象有卦畫之象有大象之象有中  
爻之象有錯卦之象有綜卦之象有爻變之象有

占中之象皆杼千古未發其自謂孔子沒而易已  
亡若至今日始明始非虛語也愚竊有說焉畫前  
有易卦未畫亦不見少有畫而卦辭爻辭彖辭亦  
不見少迨有卦爻彖象之辭而始知其不可少也  
嗣後談易者漢惟于雲宋則有堯夫至程朱則專  
主於理不論象數雖自云止說得七分象失其傳  
一然象之義俱在其中矣亦不見其少也今矣鮮錯  
綜其數大闡前聖前儒未發之蘊易云大備矣然  
易之蘊果盡於此乎非也造化之妙到底有不盡  
之蘊幾文言幾文之言周孔言周孔之言程朱來

亦各言其所言而已不知此不可以學易不學焉  
不可以入德請以質之同人

十二日

與崔玉階 歲前郝雪海見顧謂先生有志於學  
在何時曰自讀禮始雪海曰學從孺慕癸念其學  
乃真時欲謝客鹿伯順獨曰居喪他事可廢萬不  
可廢學朋友講習正所以助我誦禮也先正論之  
詳矣舍學復何事哉後伯順居憂後學者曰眾鹿  
先生平生多病僕相伴於喪次者五闕月今日親  
文色養太公之暇亦只有與一二良友商榷此件

便是真實讀禮耳

十三日

寄三無道人 親翁渡河後每讀易有疑欲質便覺  
無人來易誠大有功於四聖然其精意妙法俱自  
錯綜其數一語出要皆本原程朱會通諸儒而闕  
明未備者第新有錯綜說保汝已錄之付寬夫矣  
敬以質之高明大都讀易全要見自己之易程朱  
言理程朱之易也矣鮮言象矣鮮之易也謂來有  
功於程朱則可謂來歷倒程朱則全失之矣

十四日

寄趙寬夫 形衰氣弱日甚一日然日求知月求能  
今日方覺此件事最關切於身心性命爲萬不可  
已時與保汝言之頗暢老懷也許州使君丁艱同  
人已遠爲之悵然不能爲其太君致奠一絲爲慰  
附瑞田代陳郵意介茲令器也勉之進修以大家  
聲老夫亦借光矣邇來同人頗有興起之意昨蒞  
州魏環極十年氣味千里音書娓娓數百言無一  
字不自肝鬲中出真此時第一學人也所欲與吾  
丈言者甚多不及一一瑞田能道之

十五日



兼山堂勉二三子一則 學人通病始於見己之長而見人之短究且護己之短而棄人之長舜之好問好察文之望道未見孔子未能何有顏之若虛若無全是怕這等病一毫意見不設所以其用在天下後世木石皆有靈性飛潛總是化機而況於並生同體之人乎大凡人有勝於我者則敬而寧之人有不如我者則引而進之甚至於橫逆之人且矜而容之則無處無時非進德修業之地其不及人不爲憂矣予患此病久今雖毫矣仍時時服此藥也故以告我同人

十六日

寄趙介之 學之一字從古有之至獨闢此門專習  
其事自孔聖人始故孩提之童從抱負本入小學  
人便呼爲學生卽至三公九卿仍自稱爲學生  
爲聖賢豪傑忠臣義士名公宰輔無不從此入門  
從此起家則天地間之最美最樂者誠莫如學矣  
然人習其事而不能享其樂者只未嘗實致其力  
耳夫子入孝出弟一節孟子事親從兄一節此便  
是真實用力處夫子之道盡於此堯舜之道盡於  
此介茲勉之隔遠晤難存此字卽如對老夫也

十七日


重訂讀易大旨此日起

二十七日

復舊玉階 昨兒輩歸備道喬梓情事或切切爲子

疾之憂或懷懷爲父病之懼此人生至性所謂南

北海心同理同也然提一髮字一懼字固各有所

以釋其憂懼當境中  吃緊之學力焉求可以作

口頭語也僕嘗謂家禮者乃各家所行之禮原非

定率周公成文武之德幾乎諸侯大夫暨士庶人

最妙在一達字達豈有定案哉呂新吾先生有四

禮疑梓傳已久盡疑乎其所不得不疑也僕因一而  
有四禮酌酌未定故未敢示人耳

十八日

涿州庠生萬世法妻劉氏爲碭山縣知縣劉養性友  
世法歿時氏方十九歲遺孤援方數月而氏矢志  
靡他堅如金石方世法沒時家故饒及援長而家  
業蕩然至不能供朝夕氏恬然安之未幾援妻卒  
援亦相繼逝氏茹苦彌堅人憐而義之

五月

初五日

寄張如磐 前賈輝老寓林慮時嘗往返金陵得聞  
有道起居今雖鱗羽久疎而東山重望尚曠曠於  
吾鄉後學之口老親翁洵當世之麟鳳哉第衰邁  
日增今八十有六幸不填溝壑策燈燭之餘猶與  
二三子弟效老生腐談然亦自憎其多事特草野  
人報稱穹蒼之不容已耳茲鹿忠節公仲孫洗心  
南遊訪友過金陵思一晤模範草佈數行聊當代  
面鹿生名家子老親翁道德宗盟定念其先人而  
不憚賜之教誨也

初六日

寄雪子固 憶甲辰之暮春於衡源逆旅與有道僅  
一紀臂伊時僕僕風塵相見之既雖衰老因憫  
之軀頓忘其勞倦也先生家世爲斯文之宗素  
如僕亦叨有良緣別後每曉懷停雲無由一問動  
定昨小价隨湯孔伯南歸傳先生亦念病體於口  
頰蜀益切懷慕茲鹿忠信傳孫洗心南遊便道爲  
湖嚙之一候起居忠信公當日與左魏諸君子生  
死交情誼自千古今諸家後昆俱堪步武鹿生得  
備識其人一聯舊好亦玄道中一段佳話先生爲  
道義聲氣所歸想定樂聞此言也老況不瑣陳南

望不勝馳慕

初七日

寄崔惕菴

春暮令甥自四明來得悉近況深慰老

懷承手劄殷切兼分清俸遠餉知己相念之意可謂久而益篤矣感佩曷極反覆札中之言具見道念勃然皆自磨練反勘中証驗宦成可期把臂入林或當有日耳茲鹿密觀南遊蓮陸爲之介紹一脂顏色附此聊通寸心密觀忠節嫡允我輩皆辨香江村之人舊日之交游無過而問之者道太爲道義熱腸想不惜片晌春風一爲名裔暫霽顏耳

老況不及詳陳密觀能口道之僕耄年讀易近始覺得用易之道在倫常日用間不反而求之吾身不知易之親切易之精妙不盡

初十日

與程念伊 頃詮孫家字來傳老公祖近奉採訪山林功令欲以縣兒姓名應之袁廣文再述臺甫治某父子聞之惶悚無地若難以自對對人者敢違鄙衷萬惟慈鑒治某迂拙衰腐溫叨弓旌大典屋矣自愧無能報稱朝廷異數今八十有六幸以守拙苟全數年來幸兒孫耕野授廩得安半菽即終



餘生是皆明公之所賜也某一生於貧有緣諸生  
皆自食其力耕鑿洒掃兒孫身自爲之厥兒博雅  
在某左右居家則任書記瑣屑之事出門則代  
力奔走之勞因是學業久荒不能進取年已四十  
遂成廢棄今老公祖何所聞而欲濫膺大典不獨  
孺子學業未成行誼未立有辱知人之明而治某  
毫釐之年父子又來過情之誨老公祖相愛在格  
外尙望相成以德也已聞袁廣文重寢此舉耑懇  
鑒其愚誠另爲採訪豚兒因此稍知自勵勉圖進  
修矢報知遇正在彼而不在此也

十二日

聞金仲遠客死并從賦此志勸 論交君伯氏  
在帝里聲氣徹璫篋若復錫蘭芷言看丙戌年  
我於渥水章句漫條分倫義贈大吉御河暢數  
絕意接青紫疾哀散遺文不惜心力矢理學忠節  
編照耀流雙美濟難慎儉脩解盡胸中渾醴秉故  
家風舊氣薰遙遇六侍之子游四友之類子行矣  
各飄蓬魚屬艱筆紙丁未數行書展勤期過視我  
方眼爲穿凶問忽及耳并從遠夏臺語搖疑是否  
深冀是者否何來否者是者誰伴子行已矣曷能

已人謂溝壑死我謂天下士

十三日

書扇贈府觀南遊 殆觀別三年矣念我羣面病已  
酉春暮復來視子蘇門且欲過白下訪如紅石公  
兩君子慚行子語之曰古人之遊山水第二事  
賢取友急務也君家忠節公聲氣滿天下北海尊  
一席地當世之賢豪義烈望以爲歸宿之墟今子  
如入其鄉而過其廬可不一問其家世之業君子  
孫之消長乎其與子論交者皆私淑爾祖之風  
雨河山之慕兩地應有同心亦當一過而問焉

以語子即子之面晤也孟子論友善由知國而天下又尚論古之人今日之遊當取義於斯

十五日

與王公遠嘉興太守 老年翁王謝高踪集黃偉績  
不佞於維桑 松間風義久矣前分理  
北河相距密邇未遂識荆賤辰辱葉屏寵及蓬茅  
豚兒在楊港署中復承高誼感佩寸心至今猶依  
依左右也近聞驚湖治狀追古循良茲因鹿甥婿  
密觀有回明之行便道化羶一叩顏色鹿生忠節  
公嫡允自失業後謀生爲數老年翁應念其名裔

不惜片晌坐之春風也貴治魏忠節先生第之舊  
交也其諸孫九栴九枚諸昆弟安貧力學能世其  
業賢使君表忠闡幽正老年翁意念中事耳草此  
佈候不盡馳溯

十六日

寄靖少君諱九栴 自冀渭公喪手翰暨詩集後胡  
信山再傳函制千里殷殷悵悵不遺老夫可謂篤  
念世誼矣猶是耄廢之人不足爲通家交誼之重  
每念名德之裔天必傳以賢其家聲當日共  
事諸前輩雖久陽泉壤而後昆蔚起人爭羨慕

賢孫從學品兼長則又請裔不敢雁行也甲辰之  
春與令親曹子固邂逅於衛源逆旅得聞隱宅嘉  
況口噤佈聞茲鹿密觀南遊取道奉訪敦維世誼  
因念兩忠節先生生死交情候得追隨周旋自擊  
當日情事今四十年後兩家之孫枝得聯舊好共  
斯策勵亦後死者之快事也

十七日

與周四明明府袁泰徵學博書 辱承聯鑲寵顧草  
廬孺子何知當此殊遇自顧多愆益深衰竊之嫌  
惕也昨已函陳鄙誠請家原鑒老親憂為朝廷憤

重大典不宜濫及於非德之人宇下之士庶一材  
一藝之長自不能逃於明鑒今此一舉愚父子之  
貽譏取笑不足惜不重爲明公知人之累乎第  
衰老久蹈虛聲望兒愚昨頗知過情之恥當再  
友人仰懇當事務期得此傾吐衷曲稍待當  
圖樞謝豚兒政與長者酬應統俟扶掖病  
軀泥首堦下祈不盡

十八日

再復周明府 老親臺之相愛相成愈殷而愚父子  
之愧心汗背益甚曉聞即圖再懇不尊老無不垂

諒者又復不盡

二十日

寄戴景祥 僕邇來讀易雖無所窺而此心頗專輯

有大旨一編亦漸就緒向以爲易是本譬今乃知  
遠取諸物近取諸身天地間無一物一事莫非易  
之所周徧也并無內外精粗小大虛實之可言有  
卦辭所言如此而爻辭便不同有爻辭所言如此  
而象辭又不同道理須如是乃備君子所以同而  
異異而同也學者不知易如何能折衷羣儒是則  
偏之爲害聚焉未能所持以神相往還者敢行筆



墨耳故國家口與舍親劉重華孝廉家口同舟南  
來孝廉晉謁渠便知僕之近況也鄒應合編偶見  
錄同人索觀者衆幸再附幾冊茅止生于孫零落  
遺民罕存前刻其詩不知可得一二冊否或煩記  
室錄一冊見賜亦可也大親翁六親翁暨諸郎諸  
孫一堂四世講習此段奇福今古罕有諸同人不  
及一一

二十四日

再與程念伊 前函以博兒謝陋不堪還應大典據  
實致辭左右隨以此意告之縣學謂老公祖定諒

我之愚慢之甚。稽學訓事國上臺。非我兩人所敢  
專而臺札。實與然令某聽之勿聞。某父子惶悚因  
再跪陳於老公祖之前。某燕人面饒於輝子若孫  
應考。蒙本地人相容。已云幸矣。今朝廷大典。又復  
以外人切目。即本無瑕垢之人。未免招人指摘。而  
況以少年多德。多尤之身。當衆自衆手之指視。豈  
有不煩越者乎。況名者鬼神之所忌。某平生自揣  
無善可語。而謬獲多譽。方惕然懼爲鬼神所罰。而  
愚兒又引非分。惟乃敢甚望老公祖垂鑒。字下六  
屬。自有定準。此舉者想亦在明鑑中也。愚兒從此

稍知天理之老公祖曲成之德煥然不朽中懷永

日俞面悉

六月

初一日

答趙寬夫 天地間只有這件事無精粗大小內外  
之可言會得此無時無處非這件事望賢隨人指  
點總之是這件事五經四子任舉一語皆要歸到  
原原本本處易曰一致子日一貫理也中也靜也  
無欲也矩也一而已矣工夫更無兩般下手處使  
是究竟處此言盡之矣寬夫已了了於心故了了

於口堯夫謂伊川生菱樹上長亦出你說忘已見  
一段益見虛心事事如此認自無將就肯認處則  
不及人不爲憂矣僕耄而病所急望於同人者總  
之要在躬上取齊不及言者三無悉之

二十三日

寄陳子石 邇來讀易覺得乾父坤母率領三男三  
女箇箇是克家之子當門之婦在萬古來統帶一  
箇大人家家人卦夫夫婦婦父父子子兄兄弟弟  
家道正而天下定矣卽此家法也自天子以至庶  
人家各不同乾坤六子 成家御無一不同我同

人此日講學不必說精說一只說家人而足矣子  
石學易人也憶甲辰在夏峯會出內則一舫故偶  
拈此段卽以此致定國公亦可佐講書一段公案  
也前付劉舍親字不知此時舟可抵滄否良晤難  
期數行筆墨神相往還也

二十四日

韓子新以扇索書題此 乙酉六月子新視子夏峯  
同學諸子述其近狀如修李空輿墓復信陵君廟  
暨塋友焚琴諸事肯畢全力以圖老懷竊喜其見  
義勇爲如此也子生平愛讀信陵君傳李空輿集

故喜子新之有此擇耳因念天下事感於我者不  
一或一一應之將日還劫而不勝勞矣有力終不  
能濟也唯先清不感不應之原而後善其爲感爲  
應之用同歸殊途第求其歸之同一致百慮第求  
其致之一而已書此以當諸益之助

二十六日

嘉靖戊子韓庵洛陽書以庚子主關天試事於圖書  
策諸生時有邱鏗者以應對曰夫圖書理數而已  
矣因出於河而義文周孔因之以成易書出於洛  
而禹箕因之以作範然卦之數八象之數九而圖

書之秘已洩至朱子作獻蒙以盡乎卦之變而其  
揲也以四三變而一次具九變而小成十有八變  
而大成蔡子作皇極以盡乎數之變而其揲也以  
三一揲而繼以立再揲而目以具引伸觸類而四  
千九十六卦與六千五百六十一之數於是乎備  
然易之揲四而變三其體方而用圓範之揲三而  
變二其體圓而用方雖奇偶不同而實涵合一之  
妙何患數載乎理理寓於數不滯於跡而達於理  
天下之能事畢矣銓不知何縣人存以續考

孫徵君日譜錄存卷之三十二

康熙十一年壬子八十九歲

七月

後學

永年武汝清  
武陟王

輅校訂

初一日

在雲翠其金桂

桂  
十世  
精粹

讀俠客行有感 燕趙悲歌風日斜而今誰是魯朱

家有情女子化為石無氣丈夫猶讓蛙

或問出處子曰各求心安不向人裁決也因為一絕

世事漁竿與將壇兩途惟意各求安雲臺多露

劍臺月請向鷄鳴靜裏看

天地間凡有盛衰強弱者皆氣也而理無盛衰強弱



言  
之異而巍然常伸於天高地下之間古往來今之際無物不有無時不然程伯滔天理二字是自已體貼出來則理足以馭氣矣

西銘云乾吾父坤吾母民吾同胞物吾與也此是心  
廣體胖晬面盎背手舞足蹈的註疏學者要須識  
得

白東谷曰天下之事因之而已矣事前勿迎事後勿  
辭事後勿與而事前有思患之防非迎也事後有  
保終之慮非與也皆因之而已矣而其間難易之  
數又有天焉雖欲不因得乎

魏環極曰孔門時習之學只是求仁一語盡之矣蓋  
仁以天地萬物爲一體古往今來爲一家仁外復  
有何事

薛文清謂尋孔顏樂處不過天命之性孟子曰君子  
所性仁義禮智根於心脾然見於面盎於背施於  
四體四體不言而喻以此爲樂故王天下不與存  
焉

鄭端簡謂一家之中父母親族童僕相安耕織鷄豚  
果蔬各遂其生卽是一家之位育

明道先生治惡以寬處煩而裕廓然有天地涵容氣

象

人刻刻與天相爲流通蓋吾身之氣無一處不是造化氣機流動可想茂對時育萬物之妙

憶昔在孫文正座上有一通家子來謁宦已顯矣公謂之曰我輩今日且不必言對君上對僚友對天下人民只要上對祖父下對兒孫對不過祖父則祖父羞以我爲兒孫對不過兒孫則兒孫羞以我爲祖父餘其後者耳聞者肅然

初二日

問思多不能寐如何曰孟子心之官則思思則得之

不思則不得也書云思曰睿睿作聖思之功用亦大矣哉孩提之不思不慮與大人之何思何慮純乎天而人不與不能不與則有近思焉慎思切近著已思不出位君子之九思是已慎思者一言以蔽之曰思無邪邪思一入則顛倒錯亂此心遂作主不定魂夢不懌古人有自上牀便不敢思量事正是閑邪工夫閑其位外之邪思盡其位中之應思思誠者盡人以合天之道也不能不思而得則思焉而得不能不勉而中則勉焉而中困勉之思與學利之思究與生安同歸余正癘此病爲子立

方先療我疾藥多力自行切莫諱疾而忌醫也

初三日

復賀宣三書 稿入集

初四日

書扇贈裴掇初 子之所慎曰疾其教孝也曰父母  
惟其疾之憂未疾而慎則既疾而慎益可知已白  
東谷之言曰疾求其心之所安莫躁莫急不怨不  
尤莫移怒於兒孫與僕役此便是病中得道不惟  
遣病且以護持元氣聞親丈有讀宗傳之興諸儒  
未有不在此處得力者請卽以此讀起

初五日

兼山堂示諸兒暨諸孫會 稿刻入集

初七日

復寶公子求文書 稿入集

十一日

任含真與博兒結姻是日來投書 稿入集

二十七日

與程念伊書 稿入集

又七月

初四日

目  
卷三  
答趙寬夫問學書 稿入集

初六日

答魏柏鄉相公 稿入集

初七日

寄陳范彭 令媛云亡回首二十餘年老夫衣服飲食多經其手每一念之不禁淒斷然爲婦事畢無忝所生親翁亦當自慰矣所慊者無血允未免是  
一段欠事歲之前後欲爲小兒續絃弟臥牀逾年  
病苦不可言然朋來自遠卻得數良友亦足樂也  
有江夏吳稜季其父御史名裕中死逆璫手茅止

生有二十八忘詩稜季切欲得此詩  
生集中錄一冊見寄此時郎君定人都係桂香發  
時當遣小兒往賀蛟門臨路匆匆不盡玉如盤曲  
水流觴此段雅趣幸爲致念鹿五樹作古爲忠節  
悼傷幸得一遺腹子

初八日

大醺見顧夏峯赤鳥踏蒼苔荒崖霽色開久陰思  
駐馬乍對且啣杯人老懷良友時數仗吳才雨河  
民力竭珍惜此重來

十一日



舊有句云閑嘗尙友論千古能不醉心程伯子者  
消事上臨民接人應事總一王義興曰以爲先生  
威如取佛首就觀之辨錢之真偽片言立解明生  
於誠也程昉揚言於衆曰溫卒之誤乃程中允謬  
之吾必訴於上同列以告先生笑曰彼方憚我何  
能爾也監酒稅者外人謂某自盜官錢新王簿將  
發之某勢窮必殺人言未訖先生笑曰人之爲言  
一至於此足下食君之祿詎肯爲盜萬一有之將  
救死不暇安能殺人其人嘿不敢言後亦私償其  
所盜卒以善去此可謂不怒而威矣荆公與先生

不同道而嘗謂其忠信有犯小過者先生謂曰汝  
能改行吾薄汝罪盜叩首願自新後數月復爲盜  
捕吏及門盜告其妻曰我與大丞約不復爲盜今  
何面目見之遂自經先生與人交亡隱情雖童僕  
必託以忠信故人亦不忍欺之學已入室方堪用  
世凡興造禮樂制度文爲以至行師用兵戰陳之  
法無不究其極其吏事精密詳練先生可謂通儒  
全才矣伊川每言某不及家兄非謙辭也余之醉  
心意在斯乎

十四日

兼山堂與構斯詔 士君子立身行己第一著以誠  
實爲主大學之道大矣蔽之以一言曰誠意中庸  
之德至矣乎蔽之以一言曰慎獨獨不慎而意自  
不誠縱有聲聞未免爲色取義襲君子之所恥也  
余平生最敬愛程伯淳伯淳接人應事總以至誠  
出之誠自生明明自生威王荆公逐異己者亦稱  
其忠厚而僕隸愚民皆不忍於相欺我輩第自省  
察果無自欺欺人之事人何忍於欺我如其不然  
人誰肯以至誠待我乎故君子只有求己一事躬  
自厚而薄責於人博學審問慎思明辨篤行皆已

也齊家治國平天下極之而位天地育萬物皆已  
之事也認的此已宇宙總是一家不認的此已一  
家橫分楚越一念之公私達而上者爲君子達而  
下者爲小人夫子憂學之不講而修德徙義改過  
正講學之實際也伯淳曰吾學雖有所本天理二  
字卻是自已體貼出來談學者最怕傍人口語全  
不自已體貼一事聚訟數百年不解而因訟生訟  
枝葉愈繁矣子學人也於此已有領畧聊述此以  
爲與語諸同人講習之助

十八日

清涼散引 稿入集

十九日

口占贈湛海和尚 是是非非地明明白白天儒術  
自儒術仙禪自仙禪法固各爲用無事互相牽尼  
山遇猶龍敬禮最爲先告子禪之宗子與亦有絲  
用世與出世何必論偏全儒門兩賓客共對俱欣  
然

二十二日

福清魏惟度內江張又益南城吳星若過訪口占以  
贈嬰嬰鳴鳥好音來老至逢人懷更開連袂後先

擬玉映驚看紫氣滿蒼苔 威鳳遙瞻衛水湄  
草堂星聚未云遲 風標乍接留青眼 況役金聲擲地  
詞

二十三日

示同人暨我子孫 甚矣人心之無足時也 逐日營  
營總是願外不知富不可以求得 越分妄求餘殃  
在後 貪人之有有則爲人所貪 如欲千百年富貴  
此必不得之數也 昔有人自稱爲富貴之家 客曰  
富貴如何便成家也 富貴如以我爲家 不應走向  
他家矣 既走向他家 是以我爲逆旅耳 郭進建第

落成日列諸匠役坐於子第右或謂不可公指匠  
曰此造屋者指子第曰此賣屋者何得越序識者  
謂爲名言今之人爲卑官則恨不享大位及位高  
而顛躓傾危回想卑官而受清甯之福天上矣布  
衣糲食妻子相保則恨不富貴一旦禍患及身骨  
肉離散回想布衣糲食妻子相保時天上矣人聰  
明強健則恨欲不稱心一朝疾病淹纏呻吟痛苦  
回想聰明強健時天上矣從古及今無人不犯此  
病若能先見一步蚤退一分必也明哲之士物莫  
大於天地日月而子美云日月籠中鳥乾坤水上

洋事莫大於揖讓征誅而康節云唐虞揖讓三  
酒湯武征誅一局棋人能以此眼界吞吐六合事  
來漚生大海事去影滅長空任境遇之紛投而戰  
只謂之行所無事爲天地立心爲萬物立命而把  
柄只在一已得力只在當下此段受享人人俱足  
無奈舍卻自家無盡藏沿門持鉢效貧兒是在我  
輩一猛省便是起死回生之術也許伯康遇神人  
授一衛生之偈云自家有病自心知身病還將心  
自醫心境靜時身亦靜心生還是病生時

二十四日



復李梅村書 稿入集

二十五日

復魏惟度張又益吳星若三君書 稿入集

客來友人謂無一下箸之物余曰無慮也溪雲峯月  
正是絕好供給戲爲之句 殘年多病卧荒村不  
速時來一叩門漫道空厨無物獻溪雲峯月俯清  
尊

二十七日

李含生視余夏峯口占志喜 相隔三百里五載輕  
別離君年近耳順我與榮公期堪此幾迴別今來

慰我思友道久淪沒君家能振之允繩客底安生  
也借一枝沒爲卜宅兆骸骨託於斯澆俗可還淳  
扶輿而持危從遊廿餘載曾許不自欺玉乘仁甫  
逝此道君何辭忘信實未厭好學豈云遲莫漫言  
歸去聊爾一追隨

二十八日

兼山堂示諸子暨諸孫曾 吾家有孝友堂爾師度  
忠節額之山左劉幼孫諱重慶書之迄今五世矣  
嘗與爾伯叔相勗勉日夕兢兢恐負二君題額之  
意今爾伯叔已矣吾老矣是在爾等勉之哉一人

不類便玷家聲孝友非難事然卻非易事不離日用飲食之間總以一念孺慕爲主夫子曰孝游論孝曰今之孝者是謂能養不敬何以別乎與子夏論孝子曰色難服勞奉養曾是以爲孝乎夫敬不在養之外也色不在服勞奉養之外也曾子養曾皙曰養志必有酒肉必請所與必曰有則其敬與自可知己三必字亦要看的活孔子蔬水曲肱顏子簞瓢陋巷亦有行不去之時故余嘗謂養口體未嘗非養志也矯而行之則僞矣此處豈容得一毫僞爲哉夜來老夫久不成寐呼韻兒語雜念漸清泠

孫睡醒起謂老夫搔背癢余謂韻兒曰此念便從  
孺慕中出可稱孝友堂子弟矣晨起述之以慰吾  
私

秋夜不寐有述 衰病苦長夜坐起力不勝好夢成  
睡易良友見何曾骨瘦難貼席眼睛怕親燈呼兒  
與其語游思亦漸澄

二十九日

夜長苦不能酣睡憶我二親見背久極思於夢中冀  
得一晤因拈此句以志悵惘之懷 處旅忽驚廿  
四春每從清夜省吾身獨知一念心難慊隱不違

親愧古人

博兒等在汴有懷 每憶兒曹入汴京此時此事卻  
非輕丈夫各有千秋志漫勞倚門望眼瞳

八月

朔日

午睡起有述 壯齡多病老方瘳眠食清安二十秋  
皇極康甯稱五福福過殊愧德非儔

初一日

客至 秋巷登場禾正香田家樂事卻非常客來不  
慮無供給作酒還宜作黍嘗

初三日

郝雪海過訪謂予年五十不久當歸塞外作家與先生隔漸遠而晤益難當何以教我乎曰古人五十服官政夫子五十知天命蓋人到五十五倫始備經涉而人事之曲折天命之流行總不出五倫之中故曰聖人人倫之至也倫理無虧而不免於貧賤患難者天之所以位置公者更遠且大公之自處定裕如矣別有問答在寬夫錄中

初四日

寄李松友 書入集

日記  
卷三  
三  
初五日

復李梅村 書入集

初六日

孟子曰人有雞犬放則知求之有放心而不知求哀哉三復斯言真令人愧而欲泣且晝牯亡之時此心之在與不在不暇去問鷄鳴平旦之頃良心來復之會當於此時認取此時而不認取終無求放之時矣心在則睥面盎背無入非自得之時心不在則視不見聽不聞食不知味尙可覩焉而爲人乎夫子曰莫不飲食鮮能知味誰不由戶莫由斯

道又曰飽食終日無所用心難矣武羣居終日言  
不及義好行小慧難矣哉皆是爲放心者下藥而  
人不悟也一悟當必猛然汗下孰肯以天地父母  
所生之身而甘與禽獸不遠哉不待存而自不放  
生安一流人嘗存而不放學利一流人放矣而求  
求焉卽得困勉一流放而不求求不復得卽有一  
念乍見之惻隱卒然之盪惡電光石火無濟於事  
則聖人可柰之何

心之放也非謂得罪名教居然不齒於人然後謂之  
放回之三月不違會之吾日三省心存而不放也



其餘日月之至果達藝皆不許其爲仁師之過商  
之不及俱有不可保之時所謂君子而不仁者有  
矣夫小人之放與此正千里耳人人有証聖之路  
只一求放心盡之心卽不放仍覺其放乃真求放  
心者也

初七日

寄語劉震之 邇來成我存談學專言耐字謂涉世  
立身須有得於耐之義方能有成要耐的貪耐的  
與耐得屈辱耐的小人耐的橫逆舉史冊中唾面  
償金辱馬牽牛等事一一搜出以爲磨礪之功老

夫每以此語同人共爲勗勉搆斯雅韓子新韻兒  
推劉震之各指其事厯厯余爲喜曰吾輩而病然  
自省察尙覺血性猶在二子於此處裕如此便是  
真實學問顏子犯而不校必是曾子眼中曾見他  
不校非口頭虛語也二子益矣臣余不逮因卽君  
吉士來云吾丈山中養病瘡口未痊耐之一字可  
謂一粒金丹述以誌勉

初十日

步成我存韻 斗山久矣慕先生並視霖膏奏治平  
名世乘時功欲就大儒明道氣先迎恩飛京華神

魂躍札到荒村鳥雀驚病榻披衣微啓對天南地  
北兩襟橫

十四日

病起自慰既賦思賢更懷良友見余平生之所樂也  
家世容城之士族仕宦不顯居家睦耆香一脈  
逾百年生平良友西江鹿先人祠墓豈輕離無田  
可耕居之屋故人邀我過百門暫借一枝爲巢宿  
旅處官紳幸相安士風淳厚客不逐共城太史衛  
郡蘇陽武錦帆新一六公望今日之林宗舊契新  
姻意雍穆五人不速時相過都忘忌諱吐心腹大

失之賢士之仁暮年何幸蒙陶淑且有高朋自遠  
來不嫌野外供粟菽漫道人情似秋雲病叟到處  
皆骨肉

壬子秋簡郭駢臣任含真兩道契 任生未入關郭  
子不事同人共徘徊我獨觀識器順風多覆舟  
得力在拂意憂患生之途前賢言已備於此不動  
心便是學問地二子有同心斷金乃其利

十五日

憶往示秋試諸兒孫 倏忽行年八十九間來往事  
一回首還思俱存無故時此樂人間真稀有椿萱

繼殞荆花茂白頭猶及貧相守墳簾聲銷鶴和鳴  
孫曾壘壘神欲抖我比柴桑多一男半事紙筆半  
南畝兒孫五人入秋闈學未成章心徒驅老夫公  
車十二上親嘗辛苦不在口小子觀場好讀書富  
貴豈容以求取

十八日

九經抄序 九經抄郭子駿臣手錄以爲明學之地  
其用心亦良苦矣予謂經書任從何處理會無不  
可直証源源本本蓋萬殊原於一本一本散於萬  
殊自堯舜以至孔孟自孔孟以至程朱只有這傳

事學只是做這件工夫故曰吾道一以貫之二則  
不貫矣郭子自序之言曰道無大小無微顯無古  
今目前一事而天地人物盡在其中此段領會不  
借九經之抄而郭子卻自抄九經而始有此一段  
妙悟耳學術人品文章事功只是這件事時至事  
起不待安排老夫行年九十四十年良友提攜依  
稀見得此段光景駭臣一口打并出來子益矣操  
存舍亡涵養擴充勉勉勿怠

十九日

與諸同人曰我輩立身當以千秋自命方是有志若

只爲一鄉士一國士則自待亦甚薄矣然究其實則一鄉士亦未易稱也一鄉士就一縣言善蓋一縣始謂之一鄉士然其規模則止於覆一縣覆一國則不能矣況天下與百世之上下乎賢者之規模自能覆一國大賢之規模自能覆天下聖人之規模自能覆千百世上下其器識自不能強也學者變化氣質要就其所有諸已者而日日擴充充實之美而光輝自生由一鄉士進而爲一國士天下士總從此可欲之善做起而美大聖神豈外此而別有他道哉願我同人今日須先求有諸已者

是何物事有而據之勿令失墜則善矣

二十一日

濟源薛空如自省試迂道顧我夏峯甚欽其貧而有  
志也書贈 苔蘚滋滿徑羣年臥病頻何緣聲氣  
好嚶鳴山谷春玉川空如子省試渡歸津迂折百  
里道徒步踏勞塵顧我夏峯側訪我百泉濱入座  
展書讀味投而意親挑燈傾欲語羞言白髮新此  
志期不憊須先矢守貧萊根荒齒斷孔顏樂未湮  
余也四十載良友共披陳今日卻持贈應目爲奇  
珍朝行見邇集道我問清嘔



二十四日

注孫秋捷赴汴謂之曰此小得意與些小失意而遂  
改其常度者固是器識之小正緣不知學之故不  
學牆面人生不幸莫大於是爾今日立身之始須  
有一段抵擋流俗之志

二十五日

阮嗣宗步兵贊 余偶與錦帆諸君子有竹林之約  
渭公以其家藏七賢圖拈分題余得步兵遂爲之  
贊 希踪明哲沈跡麴蘖赫豔昭婚六旬醉輟會  
冀咨謀酌陳鼓廣武睇觀見存庸劣紛紛市朝

另闢一轍陶陶竹林滄桑漫閱疎致重提儼在坐  
列策杖來尋影若扶挈

二十七日

長垣邵雪嵐過訪次見貽原韻 耄年遶里百泉濱  
策杖竹林間逸民桑梓名流逢客地芝蘭清韻襲  
幽人三湘化雨銘勲帛五岳和風散幅巾見說南  
山橋色好萊庭彩舞羨長春

九月

初一日

與諸同人曰夫子曰一貫而曾子以忠恕明之何也

蓋夫子所言者道而曾子所指者心也忠者中心  
也恕者如心也舍忠以言恕而道何以立於不涸  
之源舍恕以言忠而道何以遊於無碍之域惟忠  
恕合則能盡已心天下無不可爲之事能推已心  
天下無不可與之人渾言之曰道實指之曰忠恕  
試思我輩有一事一念之忠恕則一事一念無不  
可行一事一念不忠恕立刻便行不去不必向夫  
子問一貫第求之吾心之忠恕而足矣

初六日

老夫從來性急胸襟不喜俗人俗事然人安能脫俗

事安得盡雅不能耐俗亦不成雅甚至於屈辱亦  
要能耐耐得屈方得伸耐得辱方得榮成我存耐  
齋說當置案頭

初九日

喜張尙若郡君舉孝廉詩以贈之 喬木清陰誦兩  
河青青玉樹燦榮柯南山霧雨斑斕映北海扶搖  
霄漢摩革履殷聲尋祖武金蓮燭影接鑿坡毫年  
舊好聯新譜魂夢欣馳淦水過

十二日

楊映斗三兄第見顧口占以贈 山容蒼翠景秋妍

載酒尋遊採菊天竊喜過門聯雁序爭輝花萼影  
翩翩五倫獨有弟兄長白首從遊竹馬行觸我  
鵲鵲原上憶一尊聊爾共飛觴

十三日

與李煉菴書 稿入集

十四日

王裕卿家譜序 稿入集

十九日

贈郭芝仙主試中州 驅車言邁迨中途無極和風  
滿路間侍從金門天際迴樵歌山谷旅形孤一朝

額佼唐宸簡百載論文勤士模孺子也隨桃李燈

燕南豫北巧緣符

贈鄧秉衡主試中州

識韓歷載憶東昌河朔回瞻

道路長名世應期掀事業宗工邇運煥文章中天  
樸棧迎春麗上谷飄蓬沐日光咫尺衛源輝紫氣  
扶筇不及待途傍

二十二日

復段子襄書 稿入集

二十三日

答馬習仲問 稿入集

十月

初一日

吾友鹿江村沒二十七年矣馬子胄仲忽出其四十年前癸酉所倡和詩一首余一再讀之宛見吾友之眉宇神情於字裏行間也口占步韻 江村千古士之子幸如何片語經題重千秋投分多耄年懷舊雅小友寄高歌北海亭回首誰云成逝波

初四日

淦孫自汴歸是日祭告祖考

初五日

復郭芝仙 書入集

初六日

鄧元固 書入集

初十日

口占別馬習仲 搔首憶甲申往事不堪說謁帝恨

無門岳摧欲手挈奮臂繫長纓之子真英傑所謀

雖未諧心同星日揭東海訪成連溟渤滌煩熱一

朝雁信訛不禁聲哽咽既喜接郵函復喜來車轍

曳履對牀頭挑燈共懽悅罇酒話離筵長途慎風

雪子年近耳順我亦榮公列一別十二春再經幾



回別

十一日

復戴巖峰 稿入集

十二日

答陳子石問學 稿入集

十三日

寄王夢翹讀禮 稿入集

十五日

爲第九孫溶投婚書踐裴挹初臨危之判也

十八日

寄廖楷予明府 學從章句久忘真此日提綱又一

新千古圖書歸法塵兩河桃李競先春予春夙校

三珠價公琰原非百里人孺子擔簦擬立雪村龐

明月指迷津

寄楷予書 稿入集

十九日

復李梅村書 稿入集

龍谿密諦序 稿入集

謂立兒等曰凡裁答書札應酬文字隨人指點此中  
有無限提掇鼓舞接引曲成之妙用在焉所謂筆

墨之靈辭之不可已也文章千古事不朽寸心何  
切不可草草視之試看古人文字其精光自是不  
磨

二十日

語諸同人 人有一碗肉一斗酒而即醉飽者倍之  
則難容矣再倍之必傷食而身病此豈養生之道  
哉好吃獨食者身病而不卹言利者必欲專之於  
已毫不肯分惠於人人之欲利孰不如我余嘗見  
談學之人犯此病者亦不少初以偏見而成勝氣  
不獨輕薄目前人而再苛求前輩此皆好吃獨食

之意故曰人莫不飲食也鮮能知味也

二十二日

爲熊洛叙拙忍居學言序 稿入集

二十三日

楚人楊職方司兆傑字慕廬過兼山堂再拜稱贊黃

皮人有排律三十韻其友王式駿亦有詩

二十四日

爲張貞子字說 稿入集

二十七日

陳國鎮千里衝寒視余夏峯恐其速歸賦此留之

濶別經四載朝來遂我思暫收哭妹淚榻畔尉裝  
進午夜挑燈話聲澁尙忘疲江村沒云久獨子能  
守師此中私淑人正賴交倡之善發師之蘊藁我  
共担持莫漫輕言去新春是歸期

十一月

初一日

題江疑之學道淺言 數年類見未能知相士多慚  
空相皮學道源流差有會淺言託寄繫深思 學  
問闕然未易識丈夫嘗嘆不逢時君年七十一編  
出千載子雲應有知

李升如不遠三百里衝寒視余夏峯見子如見父也  
喜贈以詩 數載不相見相見未云遲一日衝寒  
來奕奕挺英姿風霜不能折客路凜脩持不受流  
俗沒便是脫穎時耿子爲師友無庸慮見歧況能  
讀父書開朗有襟期憶與而翁交生平不忍欺知  
已沒已久寤寐儼在茲今朝接象賢恍如睹鬚眉  
仁者必有後天道元無私而翁應含笑老夫喜題  
詩

初二日

獨坐 蔬食貧知美布衣閑覺尊靜中看未發聊以

甯心魂

曾孫婿王郎子存器識端凝言笑不苟北愚君可謂  
有後矣爲二十八字志喜 英英眉宇颯非常家  
世出來稱善良光我門楣思舊好鳳毛指日看飛  
翔

初三日

古人所謂氣機言鼓舞人心之道也善鼓舞人者偶  
拈一事令人踴躍百世後猶有生氣況目覩之者  
乎海樵子曰渡江之擊楫陽門之弔卒睢陽之哭  
像其殆知此道與

初四日

常存不滅者道也天地生生之機也不聞道形存而生理亡矣苟聞道則我之動靜語默渾是一道道在而人在矣或問道何以聞曰博學之審問之慎思之明辨之篤行之是聞道之工夫問聞道後如何曰仁義禮智根於心其生色也睟然見於面盎於背施於四體四體不言而喻是聞道之光景

初七日

晨起 眼暗既難觀細字耳聾未易聽高聲天來六事都休問一日三餐睡五更 不聞道不能如此



十五日

魏蓮陞不遠千里築室兼山堂東畔編輯北學手自  
磨錄志足嘉也余時坐其榻上倦即眠柏鄉相君  
額曰雪亭余平生以師弟友朋爲樂因口占二十  
八字 築茅相傍共嚶鳴北學一編寄遠情此日  
雪亭誰著眼後人指點自光生

二十二日

北學編序 稿入集

二十四

初一日

淇水李生挺孺應麟各奉父命視余喜爲一絕 迨  
枝同氣最相親百里聯翩視故人歸去但言衰朽  
囑世間樂事在人倫

初二日

乾卦五爻皆稱龍三爻變文而稱君子君子正謂龍  
德之人也聖人作易以立人道三四人爻也終日  
乾乾夕惕若字字緊切聖人憂患天下之心真無  
窮也夫

郭公望舉第三孫口占志喜 聞君曾說夢蘭蓮座

客爭傳湯餅詩池上鳳毛今所羨頻年三報長孫

枝

初四日

雪亭與蓮陸熙侯語 惟天下至誠爲能盡性盡人  
性物性以贊化育此等事非堯舜禹湯以聖人而  
在天子之位如何能做的先儒謂師冕見一章及  
階曰階也及席曰席也皆坐曰某在斯某在斯此  
便是聖人贊化育處讀論語看聖人要在此處著  
眼此人皆可以爲堯舜塗之人可以爲禹箇箇人  
心有仲尼滿街皆聖人捧茶童子亦會慎獨之意  
學者識得此意日用飲食起居何處非性命流行

第在擴充而推致之所謂曲能有馭愚必明柔必  
強矣

初九日

學者先要有把柄則日用間著衣吃飯應事接物一  
一都有歸著無把柄則茫茫然無所適從心不能  
爲身主身焉能爲事物主日月空馳流光虛度直  
可惜也莫不飲食鮮能知味誰不由戶莫由斯道  
只是如此

十二日

口占贈蓮陸熙侯 九十夏峯叟健食復安眠不讀

養生書非禪亦非仙無事不生事爲後不爲先雪  
亭有同心一夕是百年

十四日

答趙寬夫書 稿入集

十五日

新鄉張欬翁字動子來贊

二十四日

與魏柏鄉書 稿入集

二十五日

與崔新安書 稿入集

二十六日

示淦孫 士子赴公車親師取友是第一緊要事爾  
入都面崔玉階著伊差人引去見蔚州先生定有  
以教爾也訪陽城白先生長君爲後日見白先生  
之地可同耿子亮去拜成和州公楊職方處訪問  
吳陵季令婿駿臣震之諸同人素極嚮往蔚州先  
生不可錯過庶不負此番公車耳

二十七日

復崔惕菴 稿入集

復李素園 稿入集

寄張上若 稿入集

二十八日

我登賢書在萬厯庚子迄今康熙壬子蓋七十三年  
余九十矣詮孫將赴公車口占以示 我生十七  
登賢書上策不收十次餘今日有孫能繼祖父看  
孺子赴公車 英英多士萃京師憶我當年結社  
時海內故人零落盡兒曹應自有新知 計程燈  
節入長安風景昔今無二觀學問果能自得處  
飛魚躍眼前看

孫婿楊誠甫讀書夏峯八年今歸去歸路口占用以

志勉以非麋鹿難常聚共學八年今別離五世  
欣然無間隔歸家骨肉是良師 伯氏吹壎仲氏  
高堂其順夫奚疑立身之道別無法家運隆昌只  
在斯

日譜錄存卷之三十二終